




弘毅齋遺稿

特別
14
1919
748



弘毅公遺稿

贈

市島老其

佐渡

中山獨善生

留
327
28

3252

1919
145
748

弘毅齋遺稿

長門 輿平居正謙甫著

壬申十一月七日。予於玉江有賈生慟哭之厄。
氣息暫絕。輔車皆飛。卧蓐經旬。無聊殊甚。追思
壬戌以降。國家多難。無年無事。而予亦東奔西
走。不遑寧居。于今凡十有餘年矣。其間宋社安
危。文武弛張。故舊聚散。身世浮沈。朝不謀夕。桑
海不常也。蓋嘗時欲被之聲詩。以俟後聖之選。
如何戎馬倥偬。風塵瀕洞。死且不暇。於詩何有。
然爾後每一念及。未嘗不往來於懷。欲從而詠。



之事則往矣。今則索居離群。既無以自慰。而又
追懷往事。歷々如前日事。於是隨得隨筆。得律
詩三十首。間亦有潤色舊作者云。嗚呼。謂之庶
幾詩史。予豈敢哉。調之嘲笑花月。雕斲風露。亦
豈敢哉。亦唯後之豪傑。欲知國家盛衰。吾輩際
會者。讀之則思過半矣。明治癸酉正月初三日
源居正識

鴻城謁忠正公墳塋

勤王敵愾有誰同。大義唱先天地中。盡使謳歌歸
聖主。從它豪傑屬明公。世封非復山河舊。太史空
傳竹帛功。今日遺臣唯涕淚。墓門秋樹夕陽紅。

挽忠正公

帝鄉日夕去騎龍。嘆息遺臣無路從。蒲邱曾叨陪
劍履。夢魂時或泣音容。勳勞豈啻稱忠正。稱祿亦
堪光祖宗。大雅千年今不起。誰為那頌奏金鐘。
聞源子明名久矣。每以不見為恨。北征之役。
始得接風采。聽言論。歡喜之餘。賦以呈。

妖氛慘澹接家邦。擊楫中流夜誓江。淝水千兵走
驕虜。馬陵萬弩射窮龐。東師壓境之後。子明戰甚力。以上紀其事。疎狂
自許世無敵。將畧逢君今始降。不恨十年相識晚。
北征猶及侍銀缸。
禍起蕭牆事亦奇。兵間當日不君知。自期伯比善
羸楚。豈料季梁猶在隨。甲子閏墻之役。明。有善善之懷。故云。於子
迥相逢。傾蓋地。風流共話射鉤時。越人拍子頻呼
快。豪傑襟懷乃若斯。

歸鄉

夢縵鄉國夢相依。一夕秋風今始歸。故舊何妨呼

爾汝。優閒久已謝輕肥。元非嫌俗性情淡。豈不懷
功氣力微。無限狐裘集羔袖客。他年或恐泣牛衣。

丙寅之役。偏師北出。陷石諸城。

機安可再勿躊躇。劍履相追及里閭。未憤頻年喪
旅後。洞疑經歲滯師餘。西京殘寇猶屯集。北石諸
城已破除。措大亦知能耐事。轅門倚馬草飛書。
十萬東軍不我虞。往車狎我失東隅。馳驅忽駭從
天落。潰散何兼振槁殊。州下里胥無後至。馬前野
走有來蘇。山陰以北堪傳檄。多少仁聲旣載途。

秋村即景

冷日微烟望欲迷，故山風物帶愁悽。
西村有役及鰥寡，南畝無年半稗梯。
路上豚鷄驚鳴道，閭門胥吏送歸蹄。
飢寒今日誰能訴，野老吞聲不敢啼。

旅懷

驛亭殘夢落山齋，起坐無端動旅懷。
世莫吾知天豈^厄，調兼時異俗相排。
飛鴻斷續雲迷浦，孤枕蕭條雨滴階。
絲竹舟過渺何處，恍疑詩客泊秦淮。

偶成

人間機巧逐年閑，文物典章安在哉。
都鄙已無終漢學，詩書不必待秦灰。
世丁厄運吾應默，天有定

時君莫哀，請看籬邊梅一朵，却從雪裏換春回。

北征

王師東下戮狂秦，胡越同舟勢自親。
割據所依唯在險，驅歌豈料已歸仁。
馬無再駕乾坤一，役不終時貢賦均。
泉底義家應報服，戎衣九歲滯風塵。

讀和陰遺稿有感

致身誓欲掃妖氛，一夕夢迷東海雲。
今日和親非宿志，當年尊攘所嘗聞。
為收鷹犬姑容彼，何料豺狼反噬君。
諒否平生相愛意，欲將遺稿付坑焚。

北征

海內諸侯盡駁奔。真成一擲賭乾坤。薩長將士豨
豨怒。羽翅風塵日月昏。漫道群兒弄丸器。何知上
帝啓神孫。微臣唯懼平吳後。別有殷憂及至尊。

馬關成營

赤欄^馬關頭壇浦端。成營擊柝夜闌干。兩山颯海潮
聲吼。萬木參空月色寒。國步艱難何日了。年光荏
苒又秋殘。不知天許功名否。拔劍燈前仔細看。

陪世子君赴京途中聞而還

驛使兼程日夕還。南風不競忽愁顏。旌旗蔽海播
薇外。烟燄焦天京洛間。和戰紛紛無定議。公私擾

々亦多艱。國家未報東門役。又聽西戎寇馬關。

北地

北地佳人我不憐。明眸皓齒小神仙。誰能留汝艷
妖色。更使迨吾英妙年。只覺嬌情生舞袖。不堪痴
怨托彈絃。纏頭一擲俸錢盡。何妨呼為太守顛。

佐州懷家

戎衣征馬輕鱗橋。徑事回頭歲月遙。未有功名答
書劍。難將身世付漁樵。西天聽雁腸應斷。北地懷
家酒易消。無端吹破相思夢。旅亭風雨夜蕭々。

深川寓潭子明舍

書劍重遊相武郊。愛君猶記布衣交。亦知鷗鷺非
鷓伍。且喜鴈鴉托鵲巢。容貌魁梧多嫵媚。言談磊
落雜詼嘲。歡情依舊淡如水。斗酒留吾薦野肴。

北征

北征先知賊可塵。王師暇整有餘豪。滿營風月秋
橫槊。萬里蟻蜂夜破濤。唯恐疎才蒙大戮。豈圖聖
眷錄微勞。士皆挾纊寒安在。天詔慙慙孰賜袍。

偶作

耳熱酒酣彈劍歌。滿胸慷慨淚痕多。洛中人物無
予起。海內生靈如汝何。欲霸須應竊仁義。爭強未

必在干戈。長門自古稱雄國。莫使功名落薩摩。

謁靈樞山先公塋

黍離遺恨亂成麻。一夕秋風兩鬢華。喬木廟前鴉
自宿。荒園籬外菊空花。莊嚴當日神如在。蕪廢他
年妖所家。落日蒼煙石橋路。故臣搔首淚橫針。

奉檄

徵書夜下墨痕香。起坐彈冠喜欲狂。守冢萬家君
莫問。及親三釜志初償。懸知佳客滿筵席。想見慈
顏落酒觴。祝壽無途白雲遠。分符又恨在殊方。

己巳內亂

曆迫殘年兵亂生。戎衣犯夜入鴻城。凝冰滿路馬
蹄險。孤成依山冀大明。遺老何為懷賊德。諸侯無
乃失人情。自知忠憤橫胸臆。欲吐君前淚已傾。

黔驢

黔驢復入小朝廷。我苦勸歸君不聽。偶得功名脫
人禍。猶徂僥倖傲天刑。京城胡角乾坤老。河洛妖
氛日月腥。借問十年螢雪下。苦辛何事讀麟經。

偶作

四海如麻亂日增。不虞外侮內相凌。國家形勢真
騎虎。客卒西羈留以養鷹。東人雖敵猶兄弟。北狄縱

親逐炭冰。相鬪于墻非聖意。前年天子勅膺懲。

小千谷界吊招魂場

腰下秋霜射斗牛。北征意氣滿貂裘。擐旗執將功
誰敵。報國誅讐死輒休。元擬經年同苦樂。何如一
夕陽明坐。我今跼蹐容無地。當日叨陪帷幄壽。

謁靈椿山先公塋

長松流水轉蕭森。一穗爐烟古廟深。寒寺糧稀僧
煮粥。野溪雲薄鳥歸林。離々楓栗秋初熟。藪々蘋
蘩霜半浸。故園依然人已遠。山哀浦思亦闌心。

鴻城

野店呼杯酒半酣。肩輿衝雨入周南。樹無殘葉秋
聲死。雲帶歸鴉晚色含。故國山川如夢寐。孤臣天
地有羞慙。路人問我君何嘆。欲說離憂亦不堪。

再遊北越

邂逅相逢淚共流。悲歡話舊酒同拈。家山有夢迷
遼遠。風露無端又滯淹。當日吏胥憐拙陋。于今父
老想清廉。誰能為我語新尹。吾理歸裝君勿嫌。

放歸過函關

莫怪紛紛被謗譏。疎狂與世異酸醎。臣猶知罪官
宜削。心亦無他天所監。北伐以降淹佐越。西歸今

始度嶠函。衡山應是憐韓子。雪霽芙蓉落馬街。

聞關左近事。

慨然有作。

以下隨所得錄入

輕裝單騎荏都來。路人擁馬暗塵埃。我有親友久
游學。寄一封書說凶災。荆軻異政真田力。阿政依
累轉眼死。海內仁人欲甘心。聞之。不覺折屐齒。常
人不識謀。否臧。我何喜哉。帑不違。已得前門禦猛
虎。未知後門進貪狼。晉國閉糧秦無食。八州人民
多菜色。廣勝一呼山澤振。鶴唳風聲盡殘賊。天使
鼠輩聞人豪。隆準日角卯金刀。何時大振斬蛇劍。
滿地兵塵收。崩濤。讀了肅覺豎毛髮。想君眼力明。

似月。非復吳下舊阿蒙。頗使魯生寒聳骨。久客江
都有何娛。不若張翰憶葦鱸。江東雖小足以王。豈
無孫策復舊吳。想昨對月讀周易。滿天星象今異
昔。譬似天津橋上夜。杜鵑一聲如裂帛。

題櫻井驛楠公別子圖

君不見虎狼在山林。而怪遁藏不敢侵。使公專制
閩以外。雖百阿瞞亦手擒。如何皇天奪帝魄。一薰
一蕕惑聖心。抗疏高閣策萬言。無不一字吐忠赤。
肉食自古無遠謀。長袖何曾有大略。浮雲蔽日九
重深。憂心有似鵬折翼。敵人勿謂秦無人。贈汝當

時鏡朝策。主辱臣死吾曾聞。殉父酬讐汝宜勤。對
曰大人既殉國。如何兒獨不死親。兒身雖少過十
歲。氣力猶足奪三軍。手脫傳家殉國劍。授兒歸送
河內雲。回頭妖氛暗天地。談笑倚軼聊遊戲。非無
八疇制龍蛇。其奈軍營有星墜。不為偷生草屢泣。
全家骨肉死王事。七生九死期滅賊。終天遺恨何
日遂。入室方欲伏劍霜。阿母訓誨何精詳。兒賴有
此慙且謝。父母教諭不敢忘。天威咫尺仰末光。舞
蹈再拜感激長。未能斃鯨築京觀。拔劍屬腹報君
王。楠家父子身雖死。千秋萬古有餘芳。君不見群

兒聞公蹶當路，顛蹙低頭如有許。或見阿瞞遂大
姦，切齒唾罵赫斯怒。兒童何解辨邪正，乃知天道
有定數。安得身為吊古客，採蘋祭公布心素。又持
椽筆入錄倉，大書竊國阿瞞墓。

辛酉之春，國學黜陟書生。神村生不入科，人
皆以為不幸。予獨以為大幸。蓋以予愛生異
人愛生也。

沈滯坎軻不厭多，賀君初免上高科。請看徠學管
童子，至竟成功有幾何。

作問生與神村生同試，得入科。予視二生固

無輕重。既於神生以不第賀之，則又於作生
不得，不以入科戒之。

校門射策幾群中，穿柳名聲一日隆。驟雨傾盆溝
澮水，難兼大海競無窮。

歸鄉二首

落落馮生彈鋏歌，思歸不是為無家。從今身似江
湖鳥，水宿沙飛樂若何。

未妨石心兼鐵腹，不容于世賦歸鄉。知他宵小閑
顏笑，猶是當年老倔強。

寄高洲士毅求和

舜服堯言漫飾躬。自言未必讓文公。誰知當日老
優孟。却寓誠心諧謔中。

寄題勝閣田氏樓

浪々源泉何有窮。久哉山嶽亦無終。無何有與長
不死。收得君家樓閣中。

偶成

巨鯨掃海大橫行。稍引餘波汗帝京。狂態有時思
躍馬。匣中快劍不平鳴。

予夙懷桑弧之志。一無所成。而市井輕儇才
子不足齒錄者。往往得遂其志。豈非天乎。不

能無不豫。

桑弧成志^如餘年。豈料屠龍死簡編。東海芙蓉誰
第一。却遭餘子著先鞭。
身上功名一寸無。對書未免嘆猶吾。家鄉年少先
裘馬。應笑當年舊腐儒。

世態

斗米折腰頭太低。揭來矜氣吐虹霓。不知已被人
而規得。相泣中庭有妾妻。

將遊周角。落合井原來別。

百川日夜大江奔。一去何時歸舊源。會面豈無重

把臂分襟不用苦傷魂。文壇將帥韓愈在。詞國英雄杜甫存。待我他年賦歸去。孤樽相對與君論。

秋懷

雁語蟲聲相共悲。驚人節物自推移。萬生榮落却
能記。一已盛衰不自知。躍馬去空徒送歲。臥龍策
就定何時。江村秋晚風情寂。獨立蒼茫賦小詩。

送高州士毅之武州

高生真壯士。槍技國中無。豈啻長槍技。兵法略孫
吳。鴻城為都講。諸生不敢誣。不顧吾愚拙。交遊如
友于。君公參幕府。榮戟出郊鄩。東海鯨波震于城。

豈無虞。廟堂伯樂在。冀北群已虛。駕貽却嫉妬。僥
倖不可覩。去年雪三尺。阿政死狗屠。殷鑒實不遠。
預謀在壯夫。且又三千里。古跡沿征途。龍顛與虎
鬪。目擊而筆誅。芙蓉九天尊。厲揭過琵琶湖。九萬開
鵬翼。雄飛笑野鳧。阿蒙非宿昔。魯生自長吁。心胸
拓萬古。英謀敵周瑜。風霜秋九月。曉天嘶鴉呼。侍
衛四十士。行色美且都。阿兄在東武。依君報我愚。
儒生功名薄。依然守舊株。

觀菊

吾心豈與世推移。長愛黃花有逸姿。桃李不言自

成選。無人賞看傲霜枝。

賀祖母吉田氏七十

高壽今年及古稀。兒孫爭擬老萊衣。庭中積雪松
唯秀。屋上青雲鶴幾飛。坐客驅歌亂鶯鳴。詞賓紙
筆產珠璣。誰言酒量未全盡。一路無人不醉歸。

寓懷

韜略曾期馬伏波。豈圖宿志忽蹉跎。談兵奚與屠
龍異。雖巧其如不用何。

歲首初吉伺候聖廟

海內風塵擾四夷。英雄報國豈無時。莫人拔劍焚

儒服。孔廟于今習禮儀。

訪馬島春海

高臥深山未足誇。市中清隱獨君家。半簾斜日茶
烟上。面々松濤聽不譁。

偶成

天擠鬼厄又誰尤。富者可求吾亦求。世上榮機雲
忽散。人間樂事水空流。敝衾踈席天然趣。安步晚
餐自在游。忘却死生兼得喪。靈臺一點不留愁。

偶懷

皇天降禍警元々。毋樂覆車憚易轅。今日縱無老

或在。古來猶有典型存。赤闥兵甲歸諸隊。周海鯨
糧竭。列也。虛勢可張弛。亦可。莫人務實報君恩。

寄神村子守退官在鴻城

乘軒雖美亦神微。不若雲霄自在飛。茅屋傍林無
客訪。禪庵隔水有僧歸。須從問裏養心性。勿向人
間問是非。使築菟裘吾欲老。去年早已製山衣。

夜雨晴嵐樓上作

層々樓閣枕江沙。恰喜溪聲斷世譁。堪羨君為高
臥士。一竿風月伴魚蝦。

讀韓子

雄辯快辯策存韓。豈料斯身死說難。膏煎桂伐恆
言在。不識多才是鑊子。

六微七術互參觀。千古忠姦扶肺肝。寄語而今仁
惠主。潛心亦合讀申韓。

今之士人。暗出處義。廟廊者忘山林。山林者
忘廟廊。予不堪慨然。乃賦之。

夷齊伊呂不同心。勿執形踪論淺深。自古行藏非
兩道。誰知廟廊亦山林。

帶虹灣上觀漁

溪聲洗耳了塵絲。形迹相忘自豁然。意釣空釣餘

樂在夕陽影裡坐吹烟。

午睡為人所覺。覺不堪寥然。援筆賦之。

荆生名家子。奇材汗血駒。伏櫪不自甘。萬里想電
驅。予材如宰我。睡外一事無。朽木及糞土。不可雕
且坊。交義不忍絕。猶辱鳴鼓誅。邊陲君有力。蹂躪
壞群胡。功名吾無意。物化入華胥。

馬閨述懷

葛衣辭國袷衣回。幾誤歸期冬又來。菽水承歡何
日遂。合愁且上望鄉臺。

海風吹雪渡江西。打岸驚濤似鼓擊。蹴枕撫刀長

太息。軍營半夜坐聽鷄。

除夜

囊底更無沽酒錢。沈吟徹夜不成眠。隣樓會客開
高宴。歌吹聲中送新年。

生平落魄志徒高。不耐饑寒哀且號。今日方同窮
范叔。無人垂淚贈絺袍。

寄落合君楫在泮宮

索居無伴嘆離群。世上憂歡百不聞。今日童心惡
故我。他年社友獨餘君。詩才未必甘巾帽。文法應
終請斧斤。曷若低頭師所長。休將黑白苦相分。

攻馬島春海韻。題勝閣田氏樓。

山水如人好奕棋。樂依工拙淡深隨。塵機轉脚難
懼網。雅趣披襟馬脫羈。石瀨月流銀破碎。江蘆露
滴玉參差。約君十月蘇舟夜。斗酒鱸魚莫後期。

書懷

陋俗吏兮輕薄子。名奔利走門成市。三間茅屋別
乾坤。塵點不侵心若水。

送人赴兵庫戍

攝山萬仞鬱嵯峨。補_子戰場今若何。千載無人吊
英傑。孤墳灑淚賦長歌。

讀兵書

一人敵耳劍何須。足記姓名書亦迂。他日欲成塵
虜策。苦心幾歲讀吳孫。

丙寅之役。我師入石見

越疆攻國居山林。地重人壽淚滿襟。唇齒蜀吳難
獨立。輔車虞虢遂雙擒。三軍生死誰司命。百里山
河我誓心。中夜轅門橫槩處。戎衣露點月痕深。

懷舊

昔年曾上鶴江臺。豪筵方丈面海催。馬島紅魚到
濱海。津南綠酒滿尊罍。二八佳人清揚婉。玉顏落

我手中杯。墮珥遺簪。往往在。五山未頽高崔嵬。我
詩堪使鬼神泣。無乃海底蛟龍猜。人生至竟貴得
意。不必載鶴問仙梅。酒醒忽呼九原起。猴面將軍
安在哉。遼來猶堪兒啼止。想見餘威及素萊。海路
西連九萬里。朝鮮鞞鞞望中來。按圖責貢今誰違
蕭牆之內紛戩埃。北門一從緩鎖鑰。貢車如雲馬
如雷。九原無辭謝天孫。赤縣神州天所開。嗟予一
介眇丈夫。六韜三略昔所該。嫖姚雖有無漢武。絕
海何時施雄才。馬骨無人萬金買。北闕投書愧自
媒。馬鞍不跨肉生髀。英雄涕淚滿于鬢。醉無殊情

所遇然。傍人怪我歡亦哀。至今餘興猶未忘。鶴江
臺畔夢徘徊。舊游相距五六年。身如槁木心死灰
逐無功業酬書劍。四書六經授童孩。

示人

憶曾分手兩悽然。今日相逢喜欲顛。尸素猶無明
主棄。饑寒幸有故人憐。十禽縱獲唯羞道。萬卷雖
多不直錢。痛飲快談君莫厭。邊疆未必計明年
歲之丙寅。臘月旬一。予小獵治城東北。取路
小畑而還。及新河之津。金石鏘鏗。道路如織。
問之。曰。二孝子五十年忌日也。既歸。縣令由

士毅謂予曰。今距彼死五十年耳。碑石苔封。字不可讀。予請之官。以磨洗之。且購諸名家詩。若文。以重之後。昆。以祈其冥福。庶幾守土者之意。而亦國家風化之少補乎。子亦盍賦。予辭不獲。乃賦四言長篇。使歌以告靈。必不我報也。

母病在蓐。兄弟交付。乃朝乃夕。造次匪懈。百藥無靈。二豎為祟。分釐以祈。神其吐之。雪虐風饕。咫尺天閔。七月絕粒。饑語寒躄。脩短有命。命可妄冀。徒死無益。汝盍中棄。所祈苟得。九死不避。誓神有言。

吾不敢貳。浦思山哀。魚鳥掩淚。豈降何物。饗食不愧。罔壽回夭。天道倒置。前世皆然。於彼何懟。虞舜孝名。豈頑是自。聲聞赫々。必非汝意。蚩氓無知。眼無丁字。天性所美。至誠無偽。雖則性美。散他實。蓼々者莪。邦家祥瑞。存子不匱。永錫汝類。萬世旦暮。苦節誰嗣。市橋有兒。竹馬纔戲。遠道禱神。往還不履。前身後身。再生不啻。無他謬巧。天帝民懿。歲在丙寅。五十其忌。祈汝冥福。道路如肆。父危追懷。淚與言墜。五尺之碑。碩儒所誌。

送源子明赴東京

久矣胡塵曠大東。霸心聊亦託飛鴻。官家侍衛皆
私卒。海內諸侯盡寓公。膂力方剛及戎馬。帝心不
便走漁篷。知君有似阿瞞處。橫槊賦詩京洛中。

偶成

數奇夙志易蹉跎。謀國無人深自沲。敵退廟堂多
偃息。寬仲里巷有驅歌。西海諸侯誰處女。山東士
卒總馮河。臣心匪石憂難轉。京洛戰拿今若何。

北征雜詩

關河歲月界依依。春半辭家秋未歸。落日飛鴻無
限恨。滿山紅葉點戎衣。

北征半歲未曾聞。又帥孤軍入羽山。立馬溪頭時
一笑。野禽浴水水潺湲。

險路泥濘幾苦辛。朔風吹雪落嶙峋。馬丁問我君
何笑。如此江山坐附人。

經年為客憶西歸。夢落家鄉舊釣磯。君去若逢知
已問。佐州太守狎輕肥。

周年流落略知津。俱是東西南北人。昨夜客亭歸
國夢。扁舟同訪故鄉尊。

經年菽水養相違。海內風塵消息稀。千里堪思先
菜菔。託君遙寄彩斑衣。

此時誰復苦思家，有女顏如桃李華。假使重來春已走，東風滿地落花。

海外孤洲歲月淹，壯懷未已感頻添。誰知拚髀英雄淚，不為家山兒女沾。

百里歸程一葉船，蓬窓月暗海茫然。杜鵑啼過知何處，星斗闌干浪拍天。

旗亭落日映酡顏，征戍三年今始還。隔海遙青橫一髮，輿丁說是佐州山。

畫馬

誤入天閑學鷲調，當時毛骨日蕭條。誰知立仗一

鳴後，得飽春山苜蓿饒。

再遊北越

深樹梟啼夜欲闌，荒城何處不凋殘。繁霜皎月天如水，原野無人白骨寒。

一擲乾坤國既傾，我來懷古涕縱橫。山河不改舊時險，枯木寒鴉秋滿城。

高秋九月冷微霜，一路西風草木黃。長鈇單衣身萬里，不堪回首望家鄉。

又

鄉國路三千，回頭落日岸。來時暑猶殘，暗蚊紛未

散。去時秋既深。不落山色換。歸思忽如弦。宵行誰
待旦。人生五十年。謬譚已過半。祿養不可期。恐貽
風樹嘆。

寄懷淳子明。次自香山曲江感秋詩韻

武超隔萬山。相思且盤桓。野店成獨酌。明月來照
軒。想君十鍾祿。成我幾日歡。別來茫如夢。誰堪懷
抱煥。故人綈袍贈。應情范叔寒。寄語休勞問。衣裳
今不單。

入東京

淒雨寒風幾日程。肩輿輒々入東京。匣中疾苦民

相訴。却喜無人識姓名

東京

落日蕭條萬戶烟。秋風吹老墨田川。王侯第宅依
然在。漢祖西歸未計年。

無題

無福亦無福。浮游天地中。讀書聊自適。希蹤紫桑
翁。山庭春半无。百花^已爛紅。詩自性情得。不必論
窮通。我有同調友。遙々寄詩筒。且贈一尊酒。欲以
問芳叢。懸榻無消息。應門有兒童。昨夜月離畢。恐
彼雨及風。

又

讀書茅檐下。及此春雨濃。門外無車轍。莓苔紛蒙
茸。人家斷續住。傍水有水春。山寺何處在。烟外聞
疎鐘。嗟余少年日。車服期登庸。豈唯喙三尺。筆端
有機鋒。相過悟前失。非君誰適從。顧及未老時。買
山託孤蹤。

又

京城詩有聲。周鼎力可扛。時流盡雁行。西州喚無
雙。雖則聲名赫。亦頗厭紛厖。彈缺賦歸歟。肥遁臥
滄江。春江山倒影。漢父蕩輕艖。紛彼無畫景。入我

讀書密。起行無所適。悠然坐石砭。海鷗傍我飛。稍
覺機心降。不仕非懷寶。誰謂我迷邦。紛々爭奪外。
愛此足音響。

冬暖

短衣長鋏有誰憐。遊說諸侯亦有年。斂此寒旗擒
將手。南軒門虱小春天。

送落合君揮赴鴻城

五經墜地欲援難。俗吏腐儒滿世間。暮帳無人山
色薄。堪憐猿鶴待君還。

送落合君揮之東京

九州兵戈動。鏡槍鬱崢嶸。天子方震怒。將軍忽西
征。行伍無規律。一夕四五驚。何況諸府縣。四民動
靈聲。卓彼防長地。帝業所經營。既無內顧慮。所以
賊軍平。養寇謀自利。讒夫舌何長。投杼驚屢至。無
乃誤聖明。朝廷無孤援。所恃唯至誠。兼程不可緩。
願造讒未成。

訪源子明

我於世俗萬無堪。捫虱唯能抵掌談。後五百年風
雪夜。畫灰誰復策平南。

獄中作

憤氣衝胸宇。終宵眠不成。無人堪學海。中自破長
城。
愁雲橫四野。埃樹夕陽昏。慙愧傾夫卒。檻車入島
根。
危急無籌策。徒蒙國士憐。半生磨礪力。不值一文
錢。
里民痴態亦堪憐。佞佛唯祈看領全。獄吏恐非忠
厚士。檻中不敢許吹烟。
事既至斯無可為。天之所命復爰疑。如今一死無
遺憾。恰及神州未滅時。

先公敵愾志。不動確如山。吞淚誓師旅。慷慨髮衝冠。京城初蹶跌。英佛寇馬關。賀蘭滿天下。袖手實停觀。最是征夷府。下石逞豺獍。投檄陣肝膽。轉使徑冥頑。一矢忽如遺。匹馬紛不還。鮮威震東北。如行無人寰。天威遠咫尺。下拜泣龍顏。勤勞冠滿服。論思立清班。海內厭舊德。謳歌溢闔闔。咸應懼魯辜。德必延孀線。豈料收斂吏。攘臂簿書間。天地無開物。煩稅及枯管。金繒輸外國。不必淚潛。敢望一旅師。膺懲及荆蠻。憑依有城社。狐鼠敢逞姦。所以豪傑士。斬除實心難。吾輩長州士。曾辱褒詔頒。

圖報唯一死。豈敢料憑屍。諫死指廟下。先聲賊膽寒。中路鼓閉氣。雄狐不再彎。走舸北走雲。陳情求素轅。縣吏本同國。若無宿昔歡。置吾園土中。飛書報事端。刑場有殊吏。無路吐肺肝。作詩遺同志。雖煩不可刪。

次秋月胤永璽車中韻

內好未除違顧家。轅門草檄字如鴉。市城一戰非吾志。勢加騎虎不及嗟。掃盡妖氛天日明。詔書屢下褒忠誠。行者匍匐騎者下。鼓吹振旅入王城。楚囚纓冠晨復晨。追懷往事淚沾巾。嗚呼雜昔忠孝

士。安有今日負君親。

絕命詞

值遇聖明蒙澤深。致身無路淚霑襟。誰知丙子降
戎事。乃是戊辰敵愾心。門戶怨氛猶慘毒。山河王
氣已銷沈。微臣有罪敢逃死。赫曰皇天所照臨。
死生亦大豈徒然。此日從容入九泉。千載是非公
論在。十年志業口碑傳。陳情囊底無遺稿。流落人
間有斷篇。悲憤滿腔誅賊檄。雷霆昨夜去升天。

乙酉長至後

張滋昉拜讀妄評

弘毅齋遺稿

終

